

**Uunga siunnersuut: Saammaasseqatigiinnissamut Isumalioqatigiissitat innersuussutaat
arfineq marluk naammassiniarlugit suliniummik aallartitsinissaat pillugu
Naalakkersuisut peqquneqarnissaannik Inatsisartut aalajangiiffigisassaattut
siunnersuut, iliuusissatullu pilersaarut UPA2023-imi Naalakkersuisunit Inatsisartunut
saqqummiunneqartussa**

*(Inatsisartunut ilaasorta*q Doris Jakobsen Jensen, Siumut)

pillugu

**Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap**

Siunnersuutip aappassaanneerpeqarnerani

ISUMALIUTISSIISUTAA

Ataatsimiititaliap suliarinninnermini kingullermik ilaasortarai:

Inatsisartunut ilaasorta

q Doris Jakobsen Jensen, Siumut, Siulittaasoq
Inatsisartunut ilaasortaq Nivi Olsen, Demokraatit, Siulittaasup tullia
Inatsisartunut ilaasortaq Adam Kristensen, Inuit Ataqatigiit, sinniisoq
Inatsisartunut ilaasortaq Dines Mikaelen, Siumut
Inatsisartunut ilaasortaq Mariia Simonsen, Inuit Ataqatigiit

UPA2022-mi 10. maj 2022 siullermeerinninnerup kingorna siunnersuut ataatsimiititaliap misissorpaa.

1. Siunnersuutip imarisaa siunertaalu

Siunnersuummi matumani Saammaasseqatigiinnissamut Isumalioqatigiissitap innersuussutai arfineq marluusut pillugit iliuusissatut pilersaarummik Naalakkersuisut aallartitsinissaannik peqquneqarnissaat siunnersuuteqartup ujartorpaa. Iliuusissatut pilersaarut UPA2023-mi saqqummiunneqassaaq. December 2017-imi Saammaasseqatigiinnissamut Isumalioqatigiissitat isumaliutissiisutaani innersuussutit saqqummiunneqartut piviusunngortinneqarnissaat siunnersuutip siunertaraa.

2. Apeqqutit

Immikkoortumik suliaqarnermut atatillugu Ilinniartitaanermut, Kultureqarnermut, Timersornermut Ilageeqarnermullu Naalakkersuisoq ataatsimiititaliamit apeqqutinut assigiinngitsunut akissuteqaqqullugu qinnuigineqarpoq. Ataatsimiititaliap Naalakkersuisumut

apequtaasa Naalackersuisullu akissutaasa assilineqarneri isumaliutissiisummut uunga ilanngussatut kakkiupput.

3. Ataatsimiititaliap siunnersuummik suliaqarnera

Siunnersuutip siullermeerneqarnerani assigiinngitsunik qisuariarfigineqarpoq. Siunnersuuteqartup siunnersuutaa aamma Naalackersuisut allannguutissatut siunnersuutaat tapersorsorneqarput.

3.1 Naalackersuisut allannguutissatut siunnersuutaat:

Siunnersuutip siullermeerneqarnerani Naalackersuisut ima allannguutissatut siunnersuummik saqqummiussaqaarput:

Naalackersuisut UPA2023-mi ataatsimiinnermi saammaasseqatigiinnissaq pillugu isumalioqatigiissitat innersuussutaannut suliaqarnerup killiffianik kiisalu siunnersuutiniq suliaqarnerup ingerlaqqinnissaanut iliuusissatut pilersaarummik Inatsisartunut saqqummiusseqqullugit peqquneqarnissaannik siunnersuut.

Naalackersuisut allannguutissatut siunnertuutaat siunnersuutaaqqaartullu akornanni assigiinngissutaasoq tassaasoq Saammaasseqatigiinnissamut Isumalioqatigiissitap innersuussutaanik suliap killiffiiniq Naalackersuisut saqqummiussinissaminnik peqquneqartut ataatsimiititaliap maluginiapaa.

Innersuussutit arfineq marluk akornanni tallimat aallartisarneqareertut Naalackersuisut akissuteqaamiinni nassuiaatigaat. Saammaasseqatigiinnissamut Aningaasaateqarfik aamma oqaluttuarisaanermik namminerisamik allataqarneq inassutit marluk aallartisarneqarsimanngitsut siunnersuutip siullermeerneqarnerani Naalackersuisut nassuiaateqarnerat matumuuna ataatsimiititaliap maluginiapaa.

Saammaasseqatigiinnissamut Isumalioqatigiissitap innersuussutaasa tamarmik aallartisarnissaat piviusunngortinneqarnissaallu pingaaruteqarluinnartuusoq ataatsimiititaliaq isumaqarpoq.

Naalackersuisut apeqqutinut akissuteqaataat ataatsimiititaliap naammaginartutut nalilerpai tassungalu allanik oqaaseqatissaqarnani.

Oqaluttuarisaanermik suliaqarnissamut aallartisarneq Iisimatusarfimmik suleqateqarluni pissasoq ataatsimiititaliap Naalackersuisut aamma kaammattorniarpai.

4. Siunnersuutip aningaasatigut kingunerisassai

Inatsisartut Suleriaasianni § 33 imm. 1-imi allassimavoq siunnersuutip piviunngortinneqarnissaanut aningaasatigut allaffissornikkullu kingunerisassai siunnersuutip tunngavilersuutaani allaaserineqassasut

Siunnersuutip piviunngortinnissaanut aningaasatigut kingunerisassai allaaserineqassasut ataatsimiititaliap maluginiarpa.

Tamatumunnga atatillugu siunnersuutip piviunngortinneqarnissaanut iliuusissamik pilersaarummik AC-mik ukioq ataaseq sulisoqarnissaq 500.000 kr-nik aningaasatigut kinguneqassasoq siunnersuuteqartup naatsorsuutigaa.


5. Ataatsimiititaliap inassuteqaataa

Naalakkersuisut allannguutissatut siunnersuutaat akuersissutigineqassasoq ataatsimiititaliap isumaqatigiittup inassutigaa.


Taamatut oqaaseqarluni isumaliutissiissummilu allassimasutut paasinnillutik matumuuna siunnersuut ataatsimiititaliap aappassaaniigassanngortippaa.



Doris Jakobsen Jensen
Formand



Nivi Olsen
Næstformand



Adam Kristensen



Dines Mikaelson



Mariia Simonsen



Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliaq

Pineqartoq: UPA2022/98-imut allakkatigut apeqqutit, Saammaasseqatigiinnissamut Isumalioqatigiissitat innersuussutaat arfineq marluk naammassiniarlugit suliniummik aallartitsinissat pillugu Naalakkersuisut peqquneqarnissaannik Inatsisartut aaliangiiffigisassaattut siunnersuut, iliuusissatullu pilersaarut UPA23-imi Inatsisartunut Naalakkersuisunit saqqummiunneqassasoq.

27-05-2022
Suliap nr. 2022 - 6433
Akt nr. 20238996

Postboks 1029
3900 Nuuk
Tlf: +299 34 50 00
Email: ikin@nаноq.gl
www.nаноq.gl

Asasakka Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliamut ilaasortat

UPA2022/98-imut, Saammaasseqatigiinnissamut Isumalioqatigiissitat innersuussutaat arfineq marluk naammassiniarlugit suliniummik aallartitsinissat pillugu Naalakkersuisut peqquneqarnissaannik Inatsisartut aaliangiiffigisassaattut siunnersuut, iliuusissatullu pilersaarut UPA23-imi Inatsisartunut Naalakkersuisunit saqqummiunneqassasoq pillugu ataatsimiititaliap apeqqutaanut qujavunga.

Apeqqutit naeqeqinneqarlutik ataani kingumut saqqummiunneqarput tulluullutillu akissuteqaatit.

Apeqqut 1: Atuarfik pillugu inatsisaasup allangortinneqarnissaa ukiakkut ataatsimiinnermi Inatsisartunit akuerineqarpoq. Atuarfimmi atuartitsissutigineqartut allangortinneqarnissaat ilaatigut tamassuma kingunerulugu, soorlu oqaluttuarisaanerup atuartitsissutigineqarnissaa inuiaqatigiilerinermik atuartitsinermi anillatsinneqarluni immikkullu atuartitsissutigineqartussatut aalajangiiffigineqarluni. Atuartitsissutigisamut tassunga ilinniusiornermik Naalakkersuisut suliaqarnerat sumut killippa?

Akissut: Ilinniartitaanermut Aqutsisoqarfiup Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfiup ataaniittup meeqqat atuarianni alloriarfiit siunertaat, atuartitsissutit siunertaat meeqqat aamma atuartitsissutini ilikkagassatut anguniakkat maannakkut nutarterlugit suliarai, atuartitsissutissamut nutaamut oqaluttuarisaanerup atuartitsissummi siunertaq aamma ilikkagassatut anguniakkat ilaapput. Nutarterinerit 1. august 2023-mi atuutilissapput, piffissaliussamilu tassani oqaluttuarisaanerup immikkut atuartitsissutit atuartitsineq aallartissalluni (tak. Atuarfik pillugu Inatsisartut inatsisaata allangortinneqarnera pillugu Inatsisartut inatsisaat nr. 9, 19. november 2021-meersumi § 2, imm. 2).

Tamanna tunngavigalugu Atuarfimmi atuartitsissutini atuartitsissutinilu qanitariissuni alloriarfiit siunertaat kiisalu atuartitsissutit siunertaat ilikkagassatullu anguniagassat pillugit Namminersorerullutik Oqartussat nalunaarutaat nr. 16, 24. juuni 2003-meersoq nutarterneqarpoq. 2022-mi ukiakkut nalunaarutissatut siunnersuutip nutaap tusarniaassutigineqarnissaa naatsorsuutigineqarpoq.

Atuartitsissutit qanitariittunut oqaluttuarisaaneq maannakkut atuartitsissutigineqartumi inuiaqatigiilerinermi Ilinniusiorfiup atuartitsinermi atorussiaani ilaareerpoq pingaartumik nukarliit atuarianni aamma akulliit atuarianni. Angajullit atuarianni atuartitsissummut

qanitariinnut oqaluttuarisaanermut qulequttat assigiinngitsut pillugit ilinniusiat saqqummersinneqarsimapput, taakkulu maannakkut atuartitsissummi inuiaqatigiilerinermut aamma oqaluttuarisaanermut ilaapput. Maannakkut atuartitsissutit inuiaqatigiilerinerup iluaniipput atuartitsissutit inuiaqatigiilerineq aamma oqaluttuarisaaneq.

Atuartitsissutinngortussamut immikkoortumut oqaluttuarisaanermut atuartitsinermit atortussat immikkut pilersarusiorneqarput qulaanilu taaneqartoq nalunaarutissaq utaqqimaarlugu, tassami atuartitsissutissap nutaap atuartitsissummut siunertaat aamma ilikkagassatut anguniagassaat aallaaviussammata.

Ilinniusiorfiup suliaanik pingaarnersiunermit atuartitsissummi oqaluttuarisaanermi atuartitsinermit atortussat siunissami pingaarnertut inissinneqassapput.

Apeqquut 2: Kalaallit Nunaata oqaluttuarisaaneranik ilinniartitsissutigineqartoq taamaallaat imaqartinneqassava?

Akissut: Naamik, atuartitsissummi oqaluttuarisaanermi itsaq nutaanerusumilu nunatta oqaluttuarisaanera soorlu nunarsuatta oqaluttuarisaanera ullumitut ilaapput.

Apeqquut 3: Aasami 2023-mi atuarfimmi ilinniartitsissutissatut oqaluttuarisaanernerup ilanngunneqarrnissaanut ilinniartitsissutissanik piareersimasoqareernissaa qanoq Naalakkeruisut quloakkeerniarpaat?

Akissut: Soorlu apeqquutip 1-ip akissutaaneereersoq atuartitsissut oqaluttuarisaaneq atuartitsissummut inuiaqatigiilerinermut ilaareerpoq. Atuartitsinermit atortussat tassunga atuartitsissummut ilaareersut oqaluttuarisaanermi atuartitsinermit aamma atorneqarsinnaapput.

Apeqquut 4: Atuarfimmi ilinniartitsissutissatut suliaqarnermut atatillugu Kalaallit Nunaata oqaluttuarisaaneranut Ilisimatusarfimmi soraarummeerutaasunik allaaserisat atorneqarnissaat Naalakkersuisut pilersaarutigaat?

Akissut: Nalinginnaasutut tunngavittut atuartitsinermit atortussanik nutaamik inerisaanermi ilisimasat nutaanerpaat ilanngunneqartarput. Oqaluttuarisaanermik atuartitsinermit atortussiornermit Ilinniusiorfiup ilaatigut suleqatigai kalaallit oqaluttuarisaanermik ilinniagaqarsimasut aamma itsarnisarsiut, tamanna pivoq suliami nutaanerpaat aamma nunatsinnut tulluarnerpaat ilisimatusarnerit ilisimasallu atorumallugit. Tassaasinnaallutik nunatta oqaluttuarisaaneranut specialiliat atuarneqarsinnaasut Ilisimatusarfimmi allanilu ilinniartut suliarisimasaat. Ilisimasat nutaat perorsaanikkut, ilikkartitsiniarnikkut oqaatsitigullu ilinniusiorfimmi aqqissuisunit ilinniartitsisunillu suliareqqinneqartarput, taamaalillutik meeqqanut assigiinngitsunik ukiulinnut ingerlateqqinneqarsinnaanngorlugit.

Apeqquut 5: Ilisimatusarfimmi ilisimatusartunut oqaluttuarisaanitta allanneqarnissaanut unammisitsinissamik Naalakkersuisut pilersaaruteqarpat?

Akissut: Nunatta oqaluttuarisaanerata Ilisimatusarfimmi ilinniartunut unammisitsissutigineqarnissaa Naalakkersuisut pilersaarutiginnigilaat. Periarfissat assigiinngitsut atorlugit oqaluttuarisaanitsinnut ilisimatusarnermik sammisaqarnissamut kajumissaarinissaq Naalakkersuisut misissorpaat.

Inussiarnersumik inuulluaqqusilluta



Peter Olsen
Naalakkersuisoq